



Broj: 06-1-07-3-115/21

Sarajevo, 26.02.2021. godine

Na osnovu člana 2.9 stav (1) tačka 9, a u vezi sa članom 13.10 i članom 13.5 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20) i Poglavlja VI. Uputstva o postupku provedbe posrednih izbora za organe vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br. 38/14, 90/16, 8/17 i 91/18), Centralna izborna komisija Bosne i Hercegovine je na 29. sjednici, održanoj 26.02.2021. godine, **d o n i j e l a**

O D L U K U

o utvrđivanju rezultata posrednih izbora i dodjeli mandata iz Općinskog vijeća Novi Grad Sarajevo za Gradsko vijeće Grada Sarajeva

- (1) Centralna izborna komisija Bosne i Hercegovine utvrđuje rezultate posrednih izbora za Gradsko vijeće Grada Sarajeva iz Općinskog vijeća Novi Grad, kako slijedi:
1. kandidatska lista političke stranke POG NAŠA STRANKA, dobila je **šest (6) glasova**,
 2. kandidatska lista grupe vijećnika "KONJO-HADŽIĆ-DELALIĆ", dobila je **nula (0) glasova**,
 3. kandidatska lista grupe vijećnika "GABELA -DŽANKO", dobila je **nula (0) glasova**,
 4. kandidatska lista grupe vijećnika "BIBER-KARKELJA" dobila je **pet (5) glasova**,
 5. kandidatska lista grupe vijećnika "TONI VUKADIN-MIRZA SELIMBEGOVIĆ-DINO OKERIĆ", dobila je **četiri (4) glasa**,
 6. kandidatska lista političke stranke SOCIJALDEMOKRATSKA PARTIJA - SDP BIH dobila je **nula (0) glasova**,
 7. kandidatska lista političke stranke POLITIČKA STRANKA PLATFORMA ZA PROGRES dobila je **nula (0) glasova**,
 8. kandidatska lista političke stranke POLITIČKA ORGANIZACIJA NAROD I PRAVDA dobila je **pet (5) glasova**,
 9. kandidatska lista grupe vijećnika "SPAHIĆ-MEMIŠEVIĆ" dobila je **pet (5) glasova**,
 10. kandidatska lista političke stranke POLITIČKA STRANKA UNIJA SOCIJALDEMOKRATA BH USD BH dobila je **pet (5) glasova**,
 11. kandidatska lista grupe vijećnika „SILVIJE KRISTIĆ, ADIS PLJEVLJAK I ALMIR DŽINDO“ dobila je **nula (0) glasova**.
- (2) Centralna izborna komisija Bosne i Hercegovine dodjeljuje mandate u Gradsko vijeće Grada Sarajeva iz Općinskog vijeća Novi Grad Sarajevo sljedećim vijećnicima:
- (1) **Adi Škaljić (Bošnjak)**,
 - (2) **Bajro Biber (Bošnjak)**,
 - (3) **Toni Vukadin (Hrvat)**,
 - (4) **Alem Logo (Bošnjak)**,
 - (5) **Enisa Spahić (Ostali)**,
 - (6) **Drago Jurić (Hrvat)**,
 - (7) **Ratko Orozović (Srbin)**.

O b r a z l o ž e n j e

Općinsko vijeće Novi Grad Sarajevo dostavilo je, dana 12.02.2021. godine, Centralnoj izbornoj komisiji BiH akt, broj: 01-02-1841/21 od 12.02.2021. godine, te u prilogu istog cjelokupan materijal o provedenim posrednim izborima za Gradsko vijeće Grada Sarajeva.

U skladu sa članom 22. Statuta Grada Sarajeva („Službene novine Kantona Sarajevo“ br. 12/98, 14/98, 25/05, 23/08 i 32/08) svako općinsko vijeće vrši izbor po sedam (7) delegata u Gradsko vijeće.

U postupku izbora vijećnika za Gradsko vijeće Grada Sarajeva, od 31 vijećnika u Općinskom vijeću Novi Grad Sarajevo, glasalo je 30 vijećnika za prethodno ovjerenih jedanaest (11) kandidatskih listi.

Na osnovu uvida u dostavljeni materijal utvrđeni su sljedeći rezultati:

1. kandidatska lista političke stranke POG NAŠA STRANKA, dobila je **šest (6) glasova**,
2. kandidatska lista grupe vijećnika "KONJO-HADŽIĆ-DELALIĆ", dobila je **nula (0) glasova**,
3. kandidatska lista grupe vijećnika "GABELA -DŽANKO", dobila je **nula (0) glasova**,
4. kandidatska lista grupe vijećnika "BIBER-KARKELJA" dobila je **pet (5) glasova**,
5. kandidatska lista grupe vijećnika "TONI VUKADIN-MIRZA SELIMBEGOVIĆ-DINO OKERIĆ", dobila je **četiri (4) glasa**,
6. kandidatska lista političke stranke SOCIJALDEMOKRATSKA PARTIJA - SDP BIH dobila je **nula (0) glasova**,
7. kandidatska lista političke stranke POLITIČKA STRANKA PLATFORMA ZA PROGRES dobila je **nula (0) glasova**,
8. kandidatska lista političke stranke POLITIČKA ORGANIZACIJA NAROD I PRAVDA dobila je **pet (5) glasova**,
9. kandidatska lista grupe vijećnika "SPAHIĆ-MEMIŠEVIĆ" dobila je **pet (5) glasova**,
10. kandidatska lista političke stranke POLITIČKA STRANKA UNIJA SOCIJALDEMOKRATA BH USD BH dobila je **pet (5) glasova**,
11. kandidatska lista grupe vijećnika „SILVIJE KRISTIĆ, ADIS PLJEVLJAK I ALMIR DŽINDO“ dobila je **nula (0) glasova**.

Odredbom člana 13.10 stav (2) Izbornog zakona Bosne i Hercegovine je propisano „da mandati za gradsko vijeće, odnosno skupštinu grada dodjeljuju se kandidatskim listama po sistemu proporcionalne zastupljenosti političkih stranaka, koalicija, listi nezavisnih kandidata ili grupa članova, kao što je utvrđeno u članu 13.5 ovog Zakona. Raspodjela mandata među kandidatima sa iste liste vrši se prema redoslijedu na listi kandidata za ove izbore.“

Imajući u vidu naprijed navedenu zakonsku odredbu, raspodjelom mandata iz Općinskog vijeća Novi Grad Sarajevo u Gradsko vijeće Grada Sarajeva, prema utvrđenim rezultatima iz stava (1) dispozitiva ove odluke, bilo bi delegirano četiri vijećnika iz reda bošnjačkog naroda, dva vijećnika iz reda hrvatskog naroda, jedan vijećnik iz kategorije ostalih, te nijedan vijećnik iz reda srpskog naroda

U skladu sa članom 23. stav (5) Statuta Grad Sarajeva, svako općinsko vijeće koje čini Grad Sarajevo delegira najmanje jednog kandidata iz reda konstitutivnog naroda. Općinsko vijeće Novi Grad Sarajevo za Gradsko vijeće Grada Sarajeva, među sedam izabranih gradskih vijećnika, nije delegiralo najmanje jednog kandidata iz reda konstitutivnih naroda, **odnosno nije delegiran pripadnik iz reda srpskog naroda.**

Odredbama člana 23. stav (11) Statuta Grada Sarajevo propisano je „Ukoliko se ovako provedenim izborima u općinskom vijeću za Gradsko vijeće među sedam izabranih gradskih vijećnika ne dobije minimalno potrebna zastupljenost vijećnika iz pojedinog konstitutivnog naroda, kako je to

navedeno u stavu 5. ovog člana, umjesto izabranog vijećnika za Gradsko vijeće s najmanjim količnikom iz reda naroda za koji je i bez tog vijećnika zadovoljena minimalna zastupljenost, delegira se općinski vijećnik pripadnik naroda koji nije zastupljen u potrebnom broju među delegatima iz tog općinskog vijeća, a koji je na kandidatskoj listi kojoj pripada sljedeći najveći količnik. Ukoliko na toj kandidatskoj listi nema kvalificiranog kandidata, utvrđuje se sljedeći najveći količnik i tako sve dok se ne dođe do kvalificiranog kandidata. Ukoliko među preostalim kandidatima na kandidatskim listama nije kvalificirani kandidat, za Gradsko vijeće se delegira općinski vijećnik koji je na izborima za općinsko vijeće dobio najveći broj glasova građana i koji pripada narodu čiju je minimalnu zastupljenost u Gradskom vijeću potrebno osigurati delegiranjem iz općinskog vijeća, bez obzira na izborni rezultat političke stranke ili koalicije, odnosno rezultat koji je ostvario na lokalnim izborima kao nezavisni kandidat“.

Nadalje, odredbom istog člana Statuta Grada Sarajeva propisano je da ukoliko se na način iz stava 13. ovoga člana ne može delegirati kvalificirani vijećnik, u Gradsko vijeće se delegira kvalificirani kandidat s najvećim brojem glasova građana, a sa liste kandidata koja je bila prijavljena na lokalnim izborima za to općinsko vijeće i to od političke stranke, koalicije ili grupe vijećnika čija kandidatska lista je na izborima u općinskom vijeću za Gradsko vijeće dobila mandat koji se oduzima.

Imajući u vidu naprijed navedeno, kao i činjenicu da na ovjerenim kandidatskim listama za Gradsko vijeće i izabranim vijećnicima iz Općinskog vijeća Novi Grad Sarajevo nema kandidata iz reda srpskog naroda, potrebno je umjesto izabranog vijećnika sa najmanjim količnikom delegirati neizabranog kandidata koji pripada narodu čiju je minimalnu zastupljenost u Gradskom vijeću potrebno osigurati delegiranjem iz općinskog vijeća.

Najmanji količnik ima kandidatska lista političkog subjekta **NAŠA STRANKA (2,00)**

Uvidom u kandidatsku listu političkog subjekta **NAŠA STRANKA** za Općinsko vijeće Novi Grad Sarajevo za Lokalne izbore 2020. godine, utvrđeno je da je **Orozović Ratko** kandidat iz reda srpskog naroda sa najvećim brojem osvojenih glasova.

Na osnovu odredbi člana 23. stav (11) Statuta Grada Sarajevo, umjesto izabranog vijećnika za Gradsko vijeće Grada Sarajeva s najmanjim količnikom sa kandidatske liste političkog subjekta **NAŠA STRANKA Čosić Vernes**, delegira se kandidata iz reda srpskog naroda za Lokalne izbore 2020. godine, **Orozović Ratko**, sa liste političkog subjekta **NAŠA STRANKA** za Općinsko vijeće Novi Grad Sarajevo za Lokalne izbore 2020. godine.

U skladu sa rezultatima koje je utvrdila Centralna izborna komisija Bosne i Hercegovine i naprijed navedenim odredbama, dodijeljeni su mandati vijećnicima na način kako je to navedeno u stavu (2) dispozitiva ove odluke.

Ova odluka stupa na snagu danom donošenja i objavit će se dana 26.02.2021. godine u 15:00 sati na web stranici Centralne izborne komisije Bosne i Hercegovine, www.izbori.ba, i smatrat će se da je danom objavljivanja ista dostavljena svim učesnicima u izbornom procesu.

PRAVNA POUKA: Protiv ove odluke, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objavljivanja ove odluke.

Žalba se podnosi putem Centralne izborne komisije Bosne i Hercegovine neposredno u sjedištu Centralne izborne komisije Bosne i Hercegovine, ulica Danijela Ozme broj 7, Sarajevo, putem faks aparata na broj: 033/251-329 ili elektronskom poštom na e-mail adresu: kontakt@izbori.ba.

Dani 27.02.2021. godine (subota) i 28.02.2021. godine (nedjelja) su radni dani u Centralnoj izbornoj komisiji Bosne i Hercegovine i isti se računaju u rokove za podnošenje žalbi.



Predsjednik

Željko Bakalar